

Өвс белдлгәнә зура күцәгдв

Алдр Октябрин 40-ч өбнд
нерәдгдсн социалистическ
дөрлдәнд орлцад, Приютненск
района 107-ч номертә совхо-
зин коллектив малин хот
белдлгяр үзмджтә сән кәд-
лмш кедж йовна.

1957 джилд 10 минъгън 158
тонн өвс белдх зурагъан 10
минъгън 708 тонн өвс белдәд
зурагъан күцәдж. Дакад 3
минъгън 400 тонн силос дар-
гдсн бәәнә.

Ода совхозин кәдлмшчнр,
механизатормуд өөрхи цагин
эргцд солoman хурадж авч,
малин хотиг үвлзньгүр зөбдж
йовцхана. Трактористнр үр
И. Кравченко болн үр И. Го-
ловченко хойр солом хурал-
гъна кемджәгъән 140—150
процент күцәгъәд, кәдлмшин
сән үлгүр үзүлджәцхәнә.

Солом хурадж авлгън шид-
рәс төгсджәнә. Совхозин кәд-
лмшчнр, цуг специалистнр
ахр цагин дунд хадсн өвсән
үвлзньгүр зөбдж, үвлд сән
белдвр тетгхәр соцдөрлдә
кедж йовна.

ЭЛЬДАН Эрднь.